

SULTAN JOHOR NASIHAT GRADUAN TIDAK TERLALU MEMILIH KERJA

SULTAN Johor, Sultan Ibrahim ibni Almarhum Sultan Iskandar yang juga Canselor Universiti Tun Hussein Onn Malaysia (UTHM) menasihatkan para graduan supaya tidak terlalu memilih kerja.

"Janganlah sia-siakan masa dan tenaga yang ada. Mulakan bekerja dari bawah, bukan memilih hendak terus duduk di atas. Kalau hendak jadi juruterbang pun kena tahu tentang kapal terbang dan jadi pembantu dahulu, bukan boleh terus naik dan terbang sesuka hati.

"Ijazah yang saudara-saudari ada tidak akan menjanjikan pekerjaan yang baik atau pendapatan yang lumayan, jika tidak diser-

takan dengan usaha yang ber-sungguh-sungguh," titah baginda pada sidang pertama Istiadat Konvokesyen Ke-17 UTHM di Batu Pahat, Johor pada 14 Oktober lalu.

Pada majlis konvokesyen itu, Tuanku Sultan turut berkenan menyampaikan ijazah kepada 451 graduan termasuk Anugerah Sultan Ibrahim dan juga anugerah-anugerah khas lain kepada penerima.

"Jangan sudah ada ijazah tetapi masih terus meminta ibu bapa tanggung. Buatlah kerja apa yang dapat dahulu, kemudian baru berusaha untuk mencapai kerja yang lebih," titah baginda.



Universiti Tun Hussein Onn Malaysia
14 Oktober 2017

